

Tlamachtilmej para Toteki akinmej tikchiuaj ken Cristo

4-10 DE ENERO

KEN TECHPALEUIA BIBLIA | LEVÍTICO 18, 19

“Ma tikpiakan chipauak tonemilis”

w19.06 pág. 28 párr. 1

¿Ken tikixtopeuaskej tlen kitekitiltia Sata-nás?

Ijkuak Jehová okijto tlen tlamantli amo kuali okichiuayaj akinmej ik ompa ochantiyaj, okinmilui israelitas: “Amo xik-chiuakan tlen kichiuaj akinmej chantij Canaán, kanin namechuikas uan amo xik-chiuakan ken yejuan tlanauatij, [...] tlali yosokiouak uan nikintlajyouiltis akinmej ompa chantij porque tlajtlakolchiuaj”. To-Tajtsin Dios santo, ik non, okitlajyalti tlen okichiuayaj cananeos uan okitaya sokio in-mialtepe (Lev. 18:3, 25).

w17.02 pág. 17 párr. 13
Jehová kiyekana ialtepe

¹³ Tekiuajkej tlen okatkaj itech okseki al-tepemej omoyekanayaj ika inmixtlamatilis tlaltikpaktlakamej, tlen amo ajsitok. Se neskayotl, tlaltikpaktlakamej uan tekiuajkej itech Canaán okichiuayaj tlen temomojti. Omotekayaj iuan yokamej, tlakamej omotekayaj iuan tlakamej, siuamej omotekayaj iuan siuamej noso omotekayaj iuan inkalchanejkauan. Noijki okinueyichiuayaj teotsitsintin uan okinmiktiayaj konemej (Levítico 18:6, 21-25). Noijki tekiuajkej babilonios uan egipcios amo okinpiayaj tlanauatilmej para yetoskej chipauakej, pero ialtepe toTajtsin Dios okinpiaya tlanauatilmej (Números 19:13). Akinmej otlayekanayaj itech ialtepe toTajtsin Dios amo okichiuayaj ken oksekimej. Yejuan okinmiluiayaj nochtin ma kiueyichiuakan

Jehová ken ye kineki, ma yetokan chipauakej uan amo ma aulnemikan. Melauak ye Jehová akin okinyekanaya.

w14-S 1/7 pág. 7 párr. 2

¿Tlen kichiuas toTajtsin Dios?

¿Tlen kinpanos akinmej amo kinekij kipa-tlaskej innemilis uan kinpaktia kichiuaskej tlen amo kuali? Biblia kijtous: “Nikan tlaltikpak san chantiskej nochtin akinmej yolqualmej uan san akinmej yolchipauakej nochipa itech chantiskej. Akinmej amo yolqualmej kinmixpoloskej itech tlaltikpak uan noijki kinmixpoloskej akinmej tlakajkaya-uaj” (Proverbios 2:21, 22). Ayakmo ikaj tlajtlakolchiuas uan nochtin yetoskej ika yolseuilistli. Ijkuakon akinmej tetlakamatij yolik ayakmo yetoskej tlajtlakolejkej (Romanos 6:17, 18; 8:21).

Ma tiktemokan ken techpaleuia Biblia

w06-S 15/6 pág. 22 párr. 11
“¡Nikpatioita motlanauatil!”

¹¹ Tlanauatil tlen okijkuilo Moisés noijki okiteititiaya Jehová okinekiaya kuali ma yetokan israelitas. Ye okinnauati amo omonekiaya pixkaskiaj tlanajnakastlan uan ijkon uelis motijtixiskiaj akinmej amitlaj okiapiayaj. Ijkon omonekiaya kichiuaskiaj kanin okitokayaj uvas uan kanin okiapiayaj olivos uan ayakmo omonekiaya kikuitiuij tlen okipixkayaj porque ompa okilkauayaj. Ijkon uelis mopaleuiskiaj akinmej amitlaj okiapiayaj, akinmej ayakmo okiapiayaj intatajuan, akinmej oualayaj itech okse altepetl uan siuamej tlen ayakmo okiapiayaj innamik. Ijkuak omotijtixiayaj omonekiaya sapanoua tekipanoskej pero ijkon amo okitlajtlaniayaj tlen kikuaskiaj (Levítico 19:9, 10; Deuteronomio 24:19-22; Salmo 37:25).

11-17 DE ENERO

KEN TECHPALEUIA BIBLIA | LEVÍTICO 20, 21

“Jehová okisekanti ialtepe”

w04-S 15/10 pág. 11 párr. 12
¿Tiyetos itech xochitlali?

¹² ToTajtsin Dios okinmilui israelitas itlaj omonekiaya kichiuaskej. Ye okinmilui: “Xikchiuakan nochi tlen axkan namechnauatijtök uan ijkon nanchikajtoskej uan ijkuak nanpanoskej itech tlali tlen nankimoaxkatiskej” (Deuteronomio 11:8). Levítico 20:22, 24 noijki kijtöua: “Xikchiuakan nochi tlen namechnauatia para amo ma namechkixtikan itech tlali kanin namechuika para nanchantiskej. Ik non, onamechilui: ‘Nanmejuan nankimaxkatiskej intlal nonmej altepemej uan ne namechaxkatilis, ompa kanin onka leche uan neujtli. Ne Jehová namoDios akin onamechsekanti para ayakmo xiyetokan iuan okseki altepemej’”. Omonekiaya mouikaskej iuan Jehová tla okinekiayaj kiseliskej tlali tlen ye okinmilui kinmakaskia. Amo okitlakamatkej, ik non, babilonios uejka okinuikakej.

it-1-S pág. 1119

Ijkuak ikaj itlaj okikajteuiliayaj

Ijkuak ikaj ixpoliui, tlen okiapiaya noso tlen okichiuaya ikaj kikajteuilia; ken ijkuak se telpochtli kipia iyelis ken itajtsin noso kipaktia kichiuas tlen ye okichiuaya. Tlajtoli *na-jál* (sustantivo, *na-jaláh*) okachi motekitiltia ika hebreo. Non kijtosneki ijkuak ikaj okimoaxkatiliaya itlaj noso ikaj itlaj okikajteuiliayaj, ijkon okichiuayaj tetajmej tlen okintlakajteuiliayaj inkoneuan (Núm. 26: 55; Ezeq. 46:18). Tlajtoli *ya-rásch* ualeua kijtosneki ijkuak ikaj okipanoltiliaya itlaj

tlen omonekiaya kiplas pero non tlajtoli ualeua noijki kijtosneki ijkuak ikaj itlaj kimoaxkatia maski amo okikajteuiliijkej (Gén. 15:3; Lev. 20:24). Noijki kijtosneki soldados “okinkixtiliayaj tlen okiapiayaj akinmej okintlaniliayaj uan okinkixtiayaj” (Deut. 2: 12; 31:3). Tlajtoli *klé-ros* ika griego kijtosneki ijkuak ikaj itlaj kikajteuiliayaj. Achto okijtosnekiaya “suerte” pero satepan okijtosnekiaya ijkuak “ikaj itlaj okimakayaj” uan satepan okijtosnekiaya ijkuak “ikaj itlaj okikajteuiliayaj” (Mat. 27:35, *TNM*; Hech. 1: 17; 26:18).

it-2-S pág. 579 párr. 5

Totomej

Ijkuak tlaltikpak ayakmo oatentoka, Noé okimanili Jehová seki totomej tlen chipauakej uan seki yolkamej (Gén. 8:18-20). Ijkuakon Jehová nochtin okinkauili ma kin kuakan totomej pero ieso amo omonekiaya kikuaskiaj (Gén. 9:1-4; noijki xikita Lev. 7: 26; 17:13). Ijkuakon toTajtsin Dios okijtöua-ya katli totomej okatkaj chipauakej tlen uelis kitlamaniliskiaj. Biblia kiteititia uelis kikuaskiaj nochi tlatlamantli totomej hasta ijkuak Moisés okijkuilo tlanauatil tlen Jehová okilui (Lev. 11:13-19, 46, 47; 20:25; Deut. 14:11-20). Biblia amo kijtöua tleka seki totomej amo okatkaj chipauakej para kitlamaniliskiaj Jehová. Maski miakej totomej okikuayaj nakatl, noijki okatkaj tlen amo okikuayaj (xikita ABUBILLA). Ijkuak Jehová itlaj okinextili Pedro ayakmo okitlakamatkej non tlanauatil (Hech. 10:9-15).

Ma tiktemokan ken techpaleuia Biblia

it-1-S pág. 562 párr. 1

Motejteki

Tlanauatil tlen okijkuilo Moisés okijtöua-ya ijkuak ikaj oixpoliuiaya amo omonekiaya motejtekiiskiaj israelitas (Lév. 19:28; 21:5;

Deut. 14:1). ¿Tleka amo omonekiaya ijkon kichiuaskej? Porque altepetl Israel okatka santo uan Jehová okimoaxkatia-ya (Deut. 14:2), ik non amo omonekiaya motejtekiaskiaj. Amo kuali ijkon kichiuaskiaj porque yokimatiayaj tlen kinpanoua akinmej oixpoliuiayaj uan yokimatiayaj Jehová satepan kinyolitiskiaj (Dan. 12:13; Heb. 11:19). Ken toTajtsin Dios okinnauati israelitas amo ma motejtekiakan, kinmilnamiktiskia omonekiaya kitlakamatiskej porque ye okichijchi totlalnakayo.

18-24 DE ENERO

KEN TECHPALEUIA BIBLIA | LEVÍTICO 22, 23

“¿Tlen techmachtia ijkuak oiluichiuayaj israelitas?”

it-1-S pág. 934

Iluítl ijkuak okikuayaj pan tlen amo okipiaya levadura

Ijkuak opeuaya iluítł ijkuak okikuayaj pan tlen amo okipiaya levadura, okipiaya miak ipati ken tonal sábadó. Itech tonal ome noso 16 de Nisán, ueyi teopixki okiui-kiayaj seki cebada, tlen achto ochikauaya ompa Palestina. Ijkuak ayamo omochiuaya non iluítł amo uelis kikuaskiaj semilla tlen yikin okipixkakej nion pan nion kikuaskiaj semilla tliuaki. Teopixki okoliniaya tepitsin semilla ijkuak okitlatiayaj se ichkatsin tlen ayamo okajxitiaya se xiuitł uan tepitsin semilla tlen okisiauayaj ika aceite uan vino. Ijkuak ijkon okichiuaya teopixki yetoskia ken okitlaliaya tlen achto otlamochiuaya ixpan Jehová (Lev. 23:6-14). Amo okatka se tlanauatil kanin okijtouaya kenachi semilla noso harina omonekiaya kitlatiskej. Satepan teopixkej okinmiluijkej ken omonekiaya kichiuaskej. Ijkuakon amo san

teopixki ijkon okichiuaya inpatka nochtin israelitas. Noijki sejse familias omonekiaya kitlamaniliskej Jehová uan nochtin tlen okipiayaj intlal ompa Israel omonekiaya kitlamaniliskej Jehová ijkuak omotlasojkamatiayaj (Éx. 23:19; Deut. 26:1, 2; xikita PRIMICIAS).

Tlen kijtosneki. Ijkuak israelitas okikuayaj pan tlen okipiaya levadura, okichiuayaj ijkon ken Jehová okinauati Moisés ijkon ken ijkuilitok itech Éxodo 12:14-20. Itech versículo 19 Jehová otlanauat: “Chikome tonal amo xikpia mokalijtik tixtli tlen kipia levadura”. Itech Deuteronomio 16:3 kijtōua pan tlen amo okipiaya levadura ‘kinmilnamiktiskia ken sapanoua okintlajyouiltijkej’, non kinmilnamiktiskia ijkuak totoka okiskej ompa Egipto (ijkuak amo ueli okixokoltijkej tixtli tlen ika okichijchiuayaj pan [Éx. 12:34]). Ijkon kinmilnamikiskiaj ken okintlajyouiltijkej kanin okatkaj pero Jehová okinmakixti, ye okinmilui: “Ijkon mojmōstla tikilnamikis tonal ijkuak otikiski Egipto”. Eyi uejueyij ilui-kej sejse xiuitł okichiuayaj israelitas pero achto iluítł okinmilnamiktiaya Jehová okimakixti nochi altepetl (Deut. 16:16).

it-2-S pág. 631 párr. 1 **Pentecostés**

Tlatlamantli okichiuayaj ika trigo tlen yikin okipixkayaj uan cebada. Okitekiltiayaj ome décimas de efá de harina tlen okachi kuali (4,4 litros) uan levadura uan ika okichijchiuayaj ome pan. Omonekiaya kichijchiusaskej inkalijtik, ijkon yetoskia ken pan tlen yejuan okikuayaj uan amo ken tlen okitemakayaj noso okitlamaniliayaj Jehová (Lev. 23:17). Noijki okitlatiliayaj yolkamej para ma kintlapojpolui israelitas uan noijki okitemakayaj tlanali tlen

okiteititiaya kuali iuan omouikayaj. Teopixki okikitskiaya pan uan ichkanakatl uan okoliniaya uan ijkon yetoskia ken okitlaliaya ixpan Jehová. Ijkuak teopixki okimaniaya Jehová pan uan ichkamej, satepan okikuaya uan ijkon okiteititiaya kuali omouikaya iuan Jehová (Lev. 23:18-20).

w14-S 15/5 pág. 28 párr. 11

¿Tikchiuaj tlen technauatia ialtepe Jehová?

¹¹ Ialtepe Jehová kineki kuali ma tiyetokan, ik non, techiluia ma tikchiuakan tlen okijto apóstol Pablo: “Matiktemolikah kenijki timosepampapalewiskeh, matimotlasojtlakah iwa matikchiwakah tlan kuali. Yika, nochipa matimololokah iwan oksikimeh tokniwah, amo matikchiwakah kemi siki-meh yomomatkeh amo kinekih mololoskeh. Tejwah moneki matimosepanyolchikawakah, iwa axa okachi por ya tikitah n tonati ijkuak Toteko wits ya walajsi” (Heb. 10: 24, 25). Ijkuak israelitas omonechikouayaj uan okiueyichiuayaj Jehová, okinpaleuiaya okachi kuali iuan ma mouikakan uan noijki oyolpakiayaj. Ma timokuayejyekokan ken oyolpakej ijkuak oiluichiuayaj ika kaltsitsintin ijkuak okatka Nehemías (Éx. 23:15, 16; Neh. 8:9-18). Axkan noijki techpaleuia ijkuak timonechikouaj uan tiauij uejueyij nechikolmej. Ik non, moneki nochipa timonechikoskej porque techpaleuia kuali ma timouikakan iuan Jehová uan ma tiyolpakikan (Tito 2:2).

Ma tiktemokan ken techpaleuia Biblia

w19.02 pág. 2 párr. 3

Ma tikpiakan toyolo ajsitok

³ Tikteititij tikpiaj toyolo ajsitok ijkuak titetlasojtlaj, ijkuak san ye Jehová tikueyichiuaj uan nochipa tikchiuaj tlen kipaktia.

Ma tikitakan tleka ijkon moijtoa. Yiuejki-ka, toTajtsin Dios okinnauati israelitas tla kitlamaniliskiaj, omonekiaya kimakaskej se yolkatl tlen amo omokokoaya (Lev. 22: 21, 22). Amo uelis kitemakaskiaj se yolkatl koxo noso okipoloaya se inakas noso se ixtololo. Noijki amo kitemakaskiaj se yolkatl tlen omokokoaya porque Jehová amo okipaktiaya ma kinmakakan yolcamej tlen omokokoayaj (Mal. 1:6-9). ¿Tleka Jehová sapanoa kipatioita ma ajsito tlen tikmakaj? Ma tikitakan tlen kijtosneki tikmakaskej Jehová itlaj ajsitok. Ijkuak tik-kouaj tlakilotl tiknekij ma technemakiltikan kuajkuali. Amo tiknekij ma technemakiltikan yipalantok. Noijki Jehová kineki ma tikmakakan tlen kuali. Kineki nochipa ma tiktlasojtlakan uan kineki ma tiyetokan tiyolmelajkej.

25-31 DE ENERO

KEN TECHPALEUIA BIBLIA | LEVÍTICO 24, 25

“Ijkuak okichiuayaj Jubileo uan ijkuak techmakixtiskej”

w19.12 pág. 8 párr. 3

Jehová techpaleuia ma timomakixtikan

³ Tikajsikamatiskej tlen okijto Jesús tla timomachtiskej tlen okinnauatijkej israelitas ma kichiuakan ijkuak okichiuayaj Jubileo. Jehová okinmilui israelitas: “Moneki nankitaskej santo xiuitl 50 uan nochtin nankinmiluiskej momakixtiskej akinmej ompa chantij. Nankichiuaskej Jubileo uan *oksepa namechmakaskej tlen namoaxka* uan *oksepa nanmokopaskej kanin katej namofamilia*” (xiktlajtolli Levítico 25:8-12). Itech okse tlamachtitl otikita-kej ken okinpaleuiaya israelitas ijkuak omoseuiayaj nochi sábados. Axkan tiki-

taskej ken okinpaleuiaya ijkuak okichiuayaj Jubileo. Ma tikijtoker se israelita otlateuikiliaya uan okinemakaya itlal uan ijkon okitlaxtlauaya tlen okiteuikiliaya. Ijkuak oajsiaya xiuitl ijkuak okichiuayaj Jubileo oksepa okimakayaj itlal. Ijkon okipiaya tlen kinkajteuilis ikoneuan. Noijki ma tikijtoker se israelita amo okipiaya tomin uan amo okipiaya tlen ika kitlaxtlauas tlen okiteuikiliaya. Ik non, omonekiaya kinemakas se ikone ken tlakeuali noso ye ineuian omonemakaya. Pero ijkuak oajsiaya xiuitl ijkuak okichiuayaj Jubileo, akin okinemakayaj oksepa omokopaya iuan ifamilia. Ijkon akinmej okinnemakayaj okimatiayaj se tonal mokopaskiaj iuan infamilia. Nochi nin okiteititiaya Jehová okinmiknomatiaya itekinojkauan.

it-1-S pág. 1120 párr. 3 **Ijkuak ikaj itlaj okikajteuiliayaj**

Israelitas amo uelis sepa kinemakaskiaj intlal porque omonekiaya kinkauiliskej inkoneuan. Ijkuak ikaj okinemakaya itlal, san okijtosnekiaya ikaj okitlanetiaya para ma tekupano uan okitlaxtlauaya ika tlen okipixkaya. Ijkuak okikouaya se tlali san omonekiaya kitlaxtlauaskej keski xiuitl opoliuiaya para ajsiskia Jubileo porque ijkuak oajsiaya non xiuitl, okikopiliaya akin iaxka non tlali pero tla oksepa okikouaya ijkuak ayamo oajsiaya Jubileo, ok okimokauia (Lev. 25:13, 15, 23, 24). Itech nin tlanauatil noijki opouiaya kalmej tlen amo okatkaj ijtik altepetl tlen okiyauaouaya tepamitl. Pero kalmej tlen okatkaj ijtik altepetl tlen okiyauaouaya tepamitl, san uelis kitetlanetiskiaj se xiuitl. Ijkuakon okimokauia akin okitlaxtlauaya. Kalmej tlen levitas okintlanetiayaj, omonekiaya nochipa kintlanetijtoskiaj porque yejuan amo okipiajaj intlal (Lev. 25:29-34).

w19.12 pág. 9 párr. 4

Jubileo

⁴ ¿Ken okachi otlapaleuiaya Jubileo? Jehová okiyekijto: “Pero amo ma yeto akin amitlaj kipia porque Jehová melauak mits-teochiuas itech tlali tlen Jehová moDios mitsmakas tlen tikmoaxkatis” (Deut. 15:4). Axkan ayakmo ijkon kichiuaj. Akin kipia tomin okachi kineki kias uan akin amitlaj kipia okachi ayakmo itlaj kipia.

Ma tiktemokan ken techpaleuia Biblia

w09-S 1/9 pág. 22 párr. 4

¿Kuali tla se momakopas?

Tla se israelita ikaj okikojkouaya uan non kichiuaskia ma tlachia san ika se ixtololo, Tlanauatil okijtouaya tlen omonekiaya kichiuiliskej akin otekojkouaya. Ik non, akin okikokouayaj amo omonekiaya momakopas, amo uelis kiteuiskia akin okikojko uan ifamilia. Tlanauatil okijtouaya omonekiaya moteuiliskej ixpan jueces. Non okinmititiaya amo uelis kiutekiskiaj akin okinkojko porque okimatiayaj jueces kijtoskiaj ken kitlaxtlauaskia akin otekojkouaya. Pero non Tlanauatil okijtouaya tlen okseki tlamantli omonekiaya kichiuaskej.

1-7 DE FEBRERO

KEN TECHPALEUIA BIBLIA | LEVÍTICO 26, 27

“¿Tlen nikchiuas para ma nechteochiua Jehová?”

w08-S 15/4 pág. 4 párr. 8

Amo ma tiktemokan tlen amitlaj ipati

⁸ ¿Ken uelis tikitaskiaj tomin ken se dios? Ma tikitakan ika se ejemplo. Ikaj okajsik se tetl yiuejkika ompa Israel. Non tetl uelis kitekiltiskia para kichijchiuaskia se kali.

Pero tla kitekitiltiskia para kiueyichiuas-
kia se teotsin, itekipanojkauan Jehová
noijki uelis ijkon kichiuaskiaj (Lev. 26:1).
Noijki ijkon ika tomin tikkouaj tlen ika
timopanoltiaj uan noijki para tiktekichiui-
liskej Jehová (Ecl. 7:12; Luc. 16:9). Pero
tla okachi tiktemouaj tikpiaskej miak to-
min ayakmo tiktekichiuiliskej Jehová uan
non yetoskia ken tiktekichiuliaj okse dios
(*xiktlajtoliti 1 Timoteo 6:9, 10*). Miakej san
kineki kiplaskej miak tomin, ik non, mone-
ki tikitaskej tomin ken moneki (1 Tim. 6:17-
19).

it-2-S pág. 1096 párr. 8

Akin tetlakaita

Jehová okitekitilti Moisés uan kuali iuan
omouikaya, ik non, nochtin itech ialtepe
toTajtsin Dios okitlakaitayaj (ika hebreo
moijtoua *moh rá'*) (Deut. 34:10, 12; Éx.
19:9). Akinmej otlaneltokayaj okikauiliajaj
Moisés ma kinyekana. Okimatiayaj Moi-
sés okintlapouiaya ipatka toTajtsin Dios.
Israelitas noijki omonekiaya kitlakaitas-
kej kali kanin okiueyichiuayaj Jehová (Lev.
19:30; 26:2). Non kijtosneki omonekia-
ya kiueyichiuaskej ken ye otlanauiati uan
omonekiaya kuali kiplaskej innemilis.

w91-S 1/3 pág. 17 párr. 10

ToTajtsin Dios ma mitsmaka yolseuillistli

¹⁰ Jehová okilui altepetl Israel: “Tla
nankichiuaj tlen namechnauatia uan nan-
kitlakamatij tlen namechnauatia, ne
nikchiuas ma kiaui ijkua monekis, ijkon
tlamochiuas uan nochi kuauitl kitemakas
itlakilo. Ne nikchiuas nochi nin altepetl
ma kipia yolseuillistli, kuali nankochis-
kej porque amitlaj namechmomojtis. Itech
moaltepe ayakmo yetoskej tekuanimej uan
amo nankiplaskej guerra. Ne namouan
niyetos uan niyetos namoDios uan name-

juan nanyetoskej noaltepe” (Levítico 26:3,
4, 6, 12). Israel uelis yetoskia ika yolseui-
listli porque akinmej okinkokoliayaj amitlaj
kinchiuiliskiaj, amitlaj kinpoloskia uan ue-
lis kuali mouikaskiaj iuan Jehová. Pero
omonekiaya nochipa kichiuaskiaj tlen ye
okinnauiati (Salmo 119:165).

Ma tiktemokan ken techpaleuia Biblia

it-2-S pág. 657

Sapanoua omokokouayaj

**Omokokouayaj porque amo okitlakamat-
kej itlanauatil toTajtsin Dios.** ToTajtsin
Dios okinmilui israelitas tla amo kichi-
uaskiaj tlen okijtojkej, ye kichiuaskia ma
mokokokan (Lev. 26:14-16, 23-25; Deut.
28:15, 21, 22). Biblia kiteititia ijkua toTaj-
tsin Dios ikaj kiteochiua kuali iuan mouika
uan amo okachi mokokoua (Deut. 7:12, 15;
Sal. 103:1-3; Prov. 3:1, 2, 7, 8; 4:21, 22;
Apoc. 21:1-4) pero kokolistli kiteititia ti-
tlajtlakolejkej (Éx. 15:26; Deut. 28:58-61;
Is. 53:4, 5; Mat. 9:2-6, 12; Juan 5:14).
Maski Biblia kiteititia Jehová okichi seki-
mej san niman ma mokokokan ken ijkua
okikitski lepra Míriam, Uzías uan Gueha-
zí (Núm. 12:10; 2 Crón. 26:16-21; 2 Rey.
5:25-27), noijki mota itech seki altepe-
mej sekimej sapanoua omokokouayaj noso
nochtin akinmej ompa ochantiayaj por-
que noijki okatkaj tlajtlakolejkej uan noijki
okichiuayaj tlen amo kuali. Okipejpenkej
kichiuaskej tlen amo kuali, ik non, otlajyo-
uiayaj (Gál. 6:7, 8). Apóstol Pablo okijto
akinmej iuan miakej motekaj, ‘Dios okinkaj-
ka makichiwakah tlan amo kuali kelewia
inkuerpo, [...] iwa ijkó inselti okimotla-
nilijkeh tlaijyowiskeh ika kokólisteh non
kinmajsih itech tlan amo kuali okichijkeh’
(Rom. 1:24-27).

8-14 DE FEBRERO

KEN TECHPALEUIA BIBLIA | NÚMEROS 1, 2

“Jehová okilui ialtepe ken omonekiaya yetos”

w94-S 1/12 pág. 9 párr. 4

Okachi miak ipati tikueyichiuaskej Jehová

⁴Tla tiyetoskiaj tlakpak uan tikitaskiaj kanin ochantiayaj israelitas kanin tlauaki, ¿tlen tikitaskiaj? Tikitaskiaj miakej mantajkalmej tlen oyekmantokaj uan kanin ochantiayaj kanaj tres millones. Oxexelitokaj ika eyi tribus uan sekimej okatkaj ik norte uan sur, ik este uan oksekimej ik oeste. Noijki uelis tikitaskiaj okseki mantajkalmej tlen okatkaj tlatlajkotia. Ompa okatkaj nauí grupos kanin omokauayaj akinmej opouiaayaj itech ifamilia Leví. Ompa tlatlajkotia noijki okatka okse tlamantli tlen miak ipati. Ompa okatka tabernáculo tlen okichijchijkej israelitas tlen okatkaj ixtlamatkej, ijkon ken Jehová okin-nauati (Números 1:52, 53; 2:3, 10, 17, 18, 25; Éxodo 35:10).

it-1-S pág. 403 párr. 1

Kanin omokauayaj israelitas

Sapanoua ueyi okatka kanin israelitas okitlaliayaj inmantajkaluan. Achto omoijto okatkaj 603,550 (seiscientos tres mil quinientos cincuenta) soldados. Noijki okatkaj siuamej, konemej, akinmej yokipiayaj miak xiuitl uan akinmej omokokouayaj. Okatkaj 22,000 levitas. Noijki okatkaj akinmej oksekan inmialtepe. Nochtin xamo okatkaj kanaj 3,000,000 (tres millones) (Éx. 12:38, 44; Núm. 3:21-34, 39). Amo tikmatij keski metros okipiaya tlali kanin okintlaliayaj imantajkaluan. Ijkuak israelitas omokauatoj ixtlauak Moab ixpan Jericó, Biblia

kijtoua okatkaj desde Bet-jesimot hasta Abel-sitim (Núm. 33:49).

Ma tiktemokan ken techpaleuia Biblia

it-1-S pág. 1231

Okijkuilouayaj intoka

Okijkuilouayaj ken omotokayotiayaj nochtin, akinmej inuejkatatajuan, infamiliares uan kanin ochantiayaj. Amo san okichiuayaj se censo noso san okinekiayaj kimatiskej keski ompa ochantiayaj. Tlen okijkuilouaj uan kajki itech Biblia okitekitiltiayaj para miak tlamantli. Ijkon uelis kitlaxtlauaskiaj tlen tekiuajkej okijtouayaj, sekimej uelis yetoskiaj soldados uan ijkon kimatiskiaj akinmej levitas tlapaleuiskiaj itech kali kanin okiueyichiuayaj Jehová.

15-21 DE FEBRERO

KEN TECHPALEUIA BIBLIA | NÚMEROS 3, 4

“¿Tlen okichiuayaj levitas?”

it-2-S pág. 890 párr. 1

Teopixki

Ijkuak Jehová okitemakak tlanauatil. Ijkuak israelitas okatkaj tlakeualmej ompa Egipto, Jehová okinmopejpenili inkoneuan israelitas tlen achto oneskej ijkuak okinmixpolo inkoneuan egipcios tlen achto oneskej (Éx. 12:29; Núm. 3:13). Ik non, inkoneuan israelitas tlen achto oneskej okatkaj iaxkauan Jehová uan san ye uelis kijtoskia ken uelis kitekichiuliskiaj. ToTajtsin Dios uelis kintlaliskia ken teopixkej noso para tlamaluiskiaj kanin okiueyichiuayaj. Pero ye okinpejpenki tlakamej levitas. Ik non, Jehová okitekauili ma kitekichiulikan tlakamej levitas uan amo tlakamej tlen achto oneskej

uan opouiayaj itech 12 tribus (ikoneuan José: Efraín uan Manasés okinpixkej inuej-kaixuiuan uan ijkon okatkaj ome tribus). Censo tlen omochi okijtouaya inkoneuan israelitas tlen achto oneskej okachi miakej, okipanouiliayaj 273 inkoneuan levitas, ik non, Jehová otlanauati nonmej 273 omonekiaya kitlaxtlauaskej cinco sicios (11 dólares [E.U.A.] noso \$240 pesos mexicanos). Non tomin okimakakej Aarón uan ikoneuan (Núm. 3:11-16, 40-51). Ijkuak ayamo ijkon opanouaya, Jehová yokinpejpenka tlakamej tlen opouiayaj itech ifamilia Aarón tlen oualayaj itech itribu Leví para kitekichiuiliskiaj ken teopixkej (Núm. 1:1; 3:6-10).

it-2-S pág. 213

Levitas

Tekitl tlen okichiuayaj levitas. Levitas oualayaj itech eyi familias tlen opouiayaj itech ikoneuan Leví: Guersón (Guersom), Cohat uan Merarí (Gén. 46:11; 1 Crón. 6:1, 16). Yejuan okinkauilijkej ma chantikan inauak tabernáculo. Cohatitas okatkaj ifamilia Aarón, yejuan ochantikej ik este ixpan tabernáculo. Oksekimej Cohatitas ochantikej ik sur. Guersonitas ik oeste uan meraritas ik norte (Núm. 3:23, 29, 35, 38). San levitas uelis kixijxitiniskiaj tabernáculo, kiuikaskiaj uan oksepa kitlaliskiaj kanin ajsiskiaj. Ijkuak yomonekiaya oksekan kiuikaskkej, Aarón uan ikoneuan okitemouiaj cortina tlen okitlajkoxelouaya Santo uan Santísimo. Okitlaliayaj ipan arca del testimonio, altares, muebles uan okseki tlamantli para amo ma motakan. Ika nochi non okiueyichiuayaj Jehová uan Cohatitas okiuikayaj. Guersonitas okiuikayaj nochi tsotsoli tlen ika okitlakentiayaj tabernáculo uan mekatl. Meraritas okiuikayaj tepostli,

tlaketsalmej, pedestales de plata ika encajaduras uan tlen ika omokitskiaya mekatl tlen okiyauualouaya tabernáculo (Núm. 1: 50, 51; 3:25, 26, 30, 31, 36, 37; 4:4-33; 7: 5-9).

it-2-S pág. 214 párr. 2

Levitas

Ijkuak okatka Moisés, ijkuak levitas yokipiayaj treinta xiuitl yokichiuayaj okseki tekittl: omonekiaya kiuikaskkej tabernáculo uan tlen ompa okitekittiltiayaj (Núm. 4:46-49). Seki tekittl okichiuayaj ijkuak yokipia-yaj veinticinco xiuitl pero amo okichiuayaj tekittl tlen okachi oui ken ijkuak okiuika-yaj tabernáculo (Núm. 8:24). Pero ijkuak David okatka tekia uelis tlapaleuiskiaj akinmej okipiayaj veinte xiuitl. David ijkon okijto porque ayakmo kiuikatinemiskiaj tabernáculo porque kichijchiuaskiaj kali kanin kiueyichiuaskiaj Jehová. Otekipanouayaj hasta ijkuak okajxitiayaj cincuenta xiuitl (Núm. 8:25, 26; 1 Crón. 23:24-26; xikita EDAD). Levitas omonekiaya kuali kimatiskej tlen okijtouaya tlanauatil porque okinmiluiayaj ma kitlajtolitikan teixpan uan ma tlamachtikan (1 Crón. 15:27; 2 Crón. 5: 12; 17:7-9; Neh. 8:7-9).

Ma tiktemokan ken techpaleuia Biblia

w06-S 1/8 pág. 23 párr. 13

Ma tiyetokan tiixtlamatkej: Ma tiktlakamaitikan Jehová

¹³ ToTajtsin Dios okipaleui David ijkuak otlajyouijtoka. Non okipaleui okachi ma kitlakamati Jehová uan ma tlaneltoka (Salmo 31:22-24). Pero eyi uelta amo okitlakamatki uan non okichi ma tlajyoui. Achto okiteititi amo okitlakamatki Jehová ijkuak okiuikakej arca itech tlajtolsenkaualistli ompa Jerusalén. Tlanauatil okijtouaya

omonekiaya kiuiukaskej levitas ipan in-miajkol pero ijkuakon okiuiakkej ika se carruaje. Uzah okiuiakaya carruaje uan ijkuak yiuetsiskia arca, ye san niman oki-kitski, ik non, san niman oixpoliuiik porque amo otetlakamatki. Uzah sapanoua otlaj-tlakolchi pero noiiki ijkon opanok porque David amo okitlakamatki itlanauatil toTajtsin Dios. Non techmachtia tikteititiskej tiktlakamatij Jehová tla tikchiuaj tlen ye technauatia (2 Samuel 6:2-9; Números 4: 15; 7:9).

22-28 DE FEBRERO

KEN TECHPALEUIA BIBLIA | NÚMEROS 5, 6

“¿Ken uelis tikchiuaskej ken akinmej omochiuayaj nazareos?”

It-2-S págs. 467; 468 párr. 1
Nazareo

Akinmej okijtouayaj kitekichiuiliskiaj Jehová ken nazareos amo omonekiaya kichiuaskej eyi tlamantli: (1) Amo omonekiaya koniskej tlen oteuintiaya, amo omonekiaya kikuaskej uvas tlen ayamo ochikauaya nion tlen yochikauak nion tlen uaki. Nion omonekiaya koniskej iayo nion ijkuak yochikauak uan noiiki amo omonekiaya koniskej vinagre tlen okichijchiuayaj ika uvas. (2) Amo omonekiaya motsonkaltekiskej. (3) Amo omonekiaya kikitskiskej akin yoixpoliuiik maski yetoskia itajtsin, inantsin noso se inmikni (Núm. 6:1-7).

Tlen okijtouayaj kichiuaskej. Akin okiluiaya Jehová itlaj miak ipati kichiuaskia omonekiaya kichiuas ken se nazareo [omotemaktiaya] para Jehová. Pero non amo okichiuaya para kintlajtlachialtis oksekimej. Tlanauatil okijtouaya nochipa

yetoskia nazareo uan yetoskia santo ixpan Jehová (Núm. 6:2, 8; noiiki xikita Gén. 49: 26, nota).

Tlen Jehová okinnauati nazareos kinpaleuiskia ma kiueyichuakan. Ijkon ken ueyi teopixki okipiaya se tekittl miak ipati ixpan Jehová, ik non, amo uelis kikitskiskia akin oixpoliuiik ken ifamiliares, noiiki ijkon akin omochiuaya nazareo omonekiaya ijkon kichiuas. Ueyi teopixki uan oksekimej teopixkej amo omonekiaya koniskej vino nion itlaj tlen oteuintiaya porque okichiuayaj seki tekittl miak ipati ixpan Jehová (Lev. 10:8-11; 21:10, 11).

Noiiki akin omochiuaya nazareo (heb. *na-zír*) omonekiaya yetos santo uan amo omonekiaya motsonkaltekis. Ijkon nochtin san niman kimatiskiaj okatka nazareo santo (Núm. 6:5). Noiiki non tlajtoli hebreo *na-zír* okitekitiltiayaj ijkuak okijtouayaj amo kimamayotekiskej uvaskuauitl itech sábadó uan itech xiuitl jubileo (Lev. 25:5, 11). Noiiki tepostli de oro tlen okipiaya ixkuapak ueyi teopixki okijtouaya: “San Jehová santo”, nin okiteititiaya ikaj omotemakaya ixpan Jehová [ika hebreo tlajtoli *né-zer*, kisa itech tlajtoli *na-zír*]” (Éx. 39:30, 31). Noiiki corona tlen okitlaliayaj tekiuajkej ompa Israel, okitokayotiayaj *né-zer* (2 Sam. 1:10; 2 Rey. 11:12; xikita CORONA; DEDICACIÓN). Apóstol Pablo okiyekijto siuatl omonekiaya kiplas itsonkal ueueyak para amo mokuatlakentis itech tlanechikol. Non okilnamiktiaya ye amo ken tlakatl, omonekiaya kitlakaitas tlakatl ijkon ken toTajtsin Dios okijto. Ik non, yiuejkika akinmej okatkaj nazareos amo omonekiaya motsonkaltekiskej (maski tlakamej amo okinnamikiaya ijkon kichiuaskej) nion koniskej vino uan omonekiaya

yetoskej chipauakej. Ijkon okinmachtia-ya omonekiaya kitlakaitaskej Jehová uan nochipa kichiuaskiaj tlen ye okinmiluiaya (1 Cor. 11:2-16; xikita CABELLO; COBERTURA PARA LA CABEZA; NATURALEZA).

Ma tiktemokan ken techpaleuia Biblia

w05-S 15/1 pág. 30 párr. 2

Sekimej techtlajtlaniaj

Sansón amo okatka ken oksekimej nazareos. Ijkuak ayamo onesiaya, se ángel okilui inantsin: “Xikita, tikpias se mokone uan yetos chokotsin. Amo keman xiktekilikan itsonkal porque maski ayamo nesi toTajtsin Dios yokipejpenki ma yeto nazareo uan ye kinmakixtis israelitas inmak filisteos” (Jueces 13:5). Sansón amo okipejpenki yetos nazareo, ye toTajtsin Dios okipejpenki ma yeto nazareo itech nochi inemilis. Ik non, amo omonekiaya kitlakamatis tlanauatil tlen okijtouaya amo ma kikitskikan akin oixpoliuiik. Amo uelis oksepa mochiuaskia nazareo porque ijkuak oneski yokatka nazareo, ik non, ok uelis yetoskia nazareo maski amo okimatki inauak ikaj oixpoliuiik uan okikitski. Nin kiteititia ijkuak Jehová ikaj okipejpenaya ma yeto nazareo itech nochi inemilis amo okatkaj ken akinmej okijtouayaj kitekichiuliskiaj ken nazareos.

